

Z cyklu: Òdjimczy słowã - 106

Jaczi wësoczi je Bóg?  
A mòrze? Jaczé głãbòczé?  
Czejbë le doznac sã mógl -  
Bë dostòł òkrãglé òczë...

A kùli kroplów mò deszcz?  
A w głowie? Co jô móm w głowie,  
Czej zjédzóm àutółã w bòk  
I grzebiã w kaszëbsczim słowie?

Co znaczy białczën ùsmiówk?  
Co, czedë rëchò piesk tëpã?  
Cëz òst'nie? Brzëchatò cëń?  
Toflòk, skąd pigwë nie wëpròł...?

Co bãdze wìtro, za rok?  
Bądã jesz starkã statecznym,  
Co krëkwiã niepewny krok  
Pòdeprze, czej wiodro wietrzné?

Co bãdze - Òn jeden wié  
Mie wiedzec te nie je trzeba  
Nëze, tej pùdã dali,  
Dinozaùr, smiészny Kaszëba...

Tómk Fópka, Czczewò, 25 rujana 2023 rokù, gòdz. 6.12 p.p.